

زنکینلرک، پرنسارک، قونتسلرک و دوقلرک
اسکان ایتدکلی محله لرده الکتریق فنارلری
اطرافه انوار صناعیه صاحفه باشلادیلر .

فنارلردن انتشار ایدن ضیالرک رنگارنک
شمله لری اطرافده کی زنکین خانلرک، مبان
چسیمه نك جبهه لرنده منقوش و مرسوم الواح
متعمده اوزرینه عکس ایدرک یدنجی سنانک
لطافت نورانیه سی مثللو بر لطافت صناعیه
حاصل ایتمش ایدی . بوراده کوزلک و تمیزلک،
غرائب صناعیه یکدیگریله امتزاج ایدوب خیالی
وروشن آرا بر منظره عبرتبخشا، بر حیات نوین حاصل
وتولید ایتمش . جنرالک سرایی دروننده کی
منظره بو ائنده نظردقی جالب بشقه بر لطافت
کسب ایتمش ایدی . الکتریق ضیالرک رنگارنک
جاملردن عکس ایتدکلی عیونار اشعله لری موسم
شتاده آغاجلرک عربان داللرندن اصلمش بللوری
دامالره بکزرلر .

خانه ده طاتلی بر سکونت حکمفرمادر ،
کویا ایچنده بونانلرک جمله سی خواب راخته
دالمش . بعضیلری ده اونلرک اویقولرینی اخلال
ایتمک ایچون لرلرندن بيله حرکت ایتزلر، بتون
خدمتچیلر بیاض و تمیز البسه لر کینمش اولوب
بر اوطه دن او بر اوطه یه کیتیمک لزومنی حس
ایتدکلی زمان خانه صاحبنک امرینه اتباعاً آیق
پارمقرینک اوجنه باصارلر ایدی . اشاعیده :
یمک سالوننده تمیز کینمش سفره جیلر یمک
ماصه سی اوزرنده بولان بلور طباقلری، فنجانلری
براسته مجال مهارتکاری ایله طویلامقله اشتغال

ایدیورلر، دیگر خدمه تجیلردخی طویلان صدف
طباقلری محفظه لرنده یرلشدیرلر ایدی .

بیوک سالونده ، قدیفه لی برقولتوق اوزرنده
اختیار ضابط بیاض تویلی کوزل برکویک ایله
اکنوب بوضورته کنیدی کنیدیسی ده ساکتانه
اکندیرر ایدی .

مشهور برسامک انواع الوانله ترسیم ایتمش
اولدینی نیم عربان ایکی قادین رسملری آره سنده
آلتون چرجیوه لی مزین بر دیوار ساعتک
طبق طاق صدارلی سالونک سکونتی اخلال
ایدیور ایدی . برده آتسزین ساعتک زروه سنده
آلتوندن معمول بر بلبل باشی چیقوب ساعتک
سکز اولدیغنی معلن سکز دفعه جیوه ، جیوه
اوتدکن صکره تکرار سر زرنینی چکسوب
نظرلردن نهان قالدی . ضابطک قوجاغنده بولنان
فینو بلبلک صداسنی ایشیدنجه یره آتلادی ،
قویروغنی صالایه رق ساعتک باقدی وایکی اوج
دفعه حاو ، حاو حاو لادقن صکره قولتوغنک
آلتنده کیزلندی .

اختیار ضابط بر حرکت تعجبکاری ایله
اطرافه باقنه رق : — وای ، دیمک ساعت
سکزه کلش ؛ دقیقه لر نه قدرده سرعتله محو
اولیور ؟ . دیدی .

بعده درحال آباغه قاقوب جیندن بر آلتون
ساعت چیقاردی .

مابعدی وار

مدیرمسئولی حسین حلمی

منظومه افکار مطبعه سی : حسین انور و شریکی

صاحب امتیاز و مدیرمسئول

سربست اره بر فرتسی صاحبی

حسین حلمی

Directeur Husséin Hilmi

مع پوسته سنه لکی ۶۰ غروش

« آتی آیلنی ۴۰ »

مکانیب واوراق وارده باب عالی

قارشوسند. عدلیه خاننده کی دائرة

مخصوصه یه کوندرملیدر .

ی یر یری باقار ، قیامت اوندن قویار

سوسیالیزم افکارینک مروجیدر

Journal socialiste ICHTIRAK

مندرجات

مالیه ناظری جاوید بک و سوسیالیزم رژی و رسم مترقی : اشترک . تاریخی تلویت ایدنلر :
خلوصی . سوسیالیستلرک برمایس یرامی : آسو . فدره رک اعدامی اسارت منسلله : بهاء الدین
مصاحبه اشترکیه .

مالیه ناظری جاوید بک و سوسیالیزم

رژی و رسم مترقی

تقسیمی قضیه سنده عادلانه برمسلك تعقیب ایتدیلر
یعنی بار تکالیفی قولتولرک اوزرندن قسماً
قالدیروب دهازیاده قولتیلره تحمیل ایتمک ایچون
بعض حریرپرور مبعوثلر من مجلسده سسلرینی
استماع ایده میه جک بر صورتده مجادله یه قالشیدیلر .
مجلس مبعوثانده تشکل ایدن فرقه لر مع التأسف
مذاکرات و مجادلاتدن اول تعقیب ایده جکلری
خط حرکتلرینی تعیین ایده مامشله و یاخود
هرنصلسه قضیه تعیینی مسکوت عنه بر ایشار
ایدی . بعضلری سرمایه دارانک ، زنکینلرک

ایکی هفته دن برو مجلس مبعوثانمزدده جریان
ایدن مذاکرات اولدیجه جالب مراق و تجسس
ایدی . عادی برسؤال ، بسیط برمسئله ، بر آز
دوشونمه ایله سهوتسه حل اولنور غریب بر
معما ...! . مبعوثلر مزدن بعضیلری عوام
ناسک حقوقنی کوزه تهرک املاک ویرکوسنک

قوتلیرک، فقرانک قاننی امن محتکرلرک حقوقی مدافعه ایدرلر. بعضلری ایسه فقرانک حقوقی محافظه ساعی اولورلر. بونلرک عددی غایت محدوددر. انجق درت بش کشتی وار اولوب. هر نه قدر کمال تهالکله دعوالرینی مدافعه ایدرلر ایسه ده نه چاره که او اصوات احرارانه بی یوغدیران اکثریت دائماً و دائماً متحکرلرک زنکینلرک، سرمایه دارانک حقوقی زواللی عمله نك حقوقدن ارجح عد ایدرک طریق مشروطیتده حق وحسیاتی دوچار تزلزل ایدیجی بر مسلک غریب تعقیب ایدیورلر. او زنکینلر ذاتاً کندی حقلرینی مدافعه ایتمک ایچسون هر درلو وسائط واسلحه یه مالک درلر، اونلر انسانلرک پرستش ایتدکلری پاره قوتی سایه سنده ذاتاً حقوق جمعیتی، تشکیلات مجسمه اجتماعی بی عمله نامیله معروف ارباب مساعی بی ازمکه، چوروتیمکه، دوچار فلاکت وسفالت ایتمکه کندیلکلرندن حق قزائمشاردر. محور عالم بو...! اعتقادات باطله بشریه حقوق مساوات صورت قطعی ده فرمانفرما اولنجیه قدر بوسورتله دوام ایده جکدر. قوانین موضوعه یه ازهرجهت رعایت ایدوب قوانین مقدسه طبیعی بی اکثریا کائن لم یکن عد ایدن ارباب اقتدار...! البته حقائق معادله بی بیلدکلرینه رغماً یه زمانه اویمق ایسته یورلر. زمان ایسه ذاتاً بوشیرازه اشترک ایله اجرا آت اجتماعیه مربوط بولندیغندن مقدرات بشریه ایله تبدل ایدر. اوت.!

زنکینلر کندی حقلرینک مدافعه سیچون سائرله هیچ بر وقت عرض احتیاج ایتمزلر فقط بو عدم احتیاجی بر احتیاج ضروری کی تلقی ایدن محترم مبعوثلرمنک قسم اعظمی کیم بیلیر نه سبب و حکمته مبنی دائماً و دائماً اونلره معین وظهیر اولق ایستیورلر.

زهراب، اسماعیل حق و وار تکس و فرید افدیلر عمله نك، فلا کتدیده عجزه ذراعک حقوقی مدافعه ایتمکه ساعی اولدقلری ایچون تنقیدات ومؤاخذاته هدف و دوچار اولدیلر. ایسته حق یولنده حقسزلق، عدالت یولنده... فقط مظفریت استقبالیه بی تأمین ایتمک ماهیتی حائر اولان مبدألرک محافظ حاضرلری البته برکون انسال آتییه اونک ثمره سنی طائدیردقلری زمان خاطرملرینی تقدیس ایتدیره جکلردر. بیوک بر اشتیاق حریتپورانه دن نشان ویرن بو حرکت البته برکون بشریتک ایدی ظلمه دن خلاصنی انتاج ایدوب حقائق اجتماعی بی کندیلرندن اول تقدیر ایدنلرک خاطرملرینه شاباش اوقویه جکلردر.

رسم مترقی علمینده مالیه ناظری جاوید و خلیا بکلرک میدانه آتدقلری اسبابدن هیچ برنده فنی، منطقی، حکمی بر جدیت موجود دکلدی. پارلاق سوزلره جدیت افکار دخی مندماج اولورسه نه اعلا اولور! مبعوثلرمنک قسم اعظمی دخی جاوید بکلرک نظریه سنی تعقیب

ایتدیلر بونک ده اصل سببی سوسیالیزمک بعض مبعوثلرده او یاندیردینی طفولانه خوف و هراسک نتیجه طبیعی سی بلسه کرک

«رسم مترقی زنکینلرک، سرمایه دارانک مغدوریتی مرجب اولور، ایسته بوسوز و تاریخ افکار عثمانیه ده ابداً منقوش قاله جقدر. بز فقر و ضرورته آلمنمز، بز سنه لر دنیرو مغدور قالمش، مغدوریت وسفالتده طوغمش وعین حاله اوله جکمز. زیرا ارباب مساعینک حقوق ساعیانه سنک محافظه سنده اغنیانک مغدوریتی انتاج ایدن جهتلر بولوب بونک ایسه قطعاً جائز اولدینی زهبنده بولنورز. زواللی عمله، سفیل کویلی ذاتاً بقیه مغدوریت وسفالت آلتنده ایگله یور، وارسون نه به آلمنمش ایسه اونده ایلری کینسون، اوندن آیرلسون، بز زنکینلرک منفعتی کوزته جکمز...؟! فقرا بزه نه پایه بیسور؟ بو ذاتاً نارین و حقیر، ابکم وسا کتدر.

اهالی یواش یواش کوزینی آچوب کندی اوجاع واضطرابانک تخفیفنه چالشانلر ایله زنکینلرک مغدور اوله جکلرندن اندیشه ایدنلری کورسون.

آجیلان کوزلر ده ایشقه بک جوق شیلرده کوره جکلردر.

مالیه ناظری جاوید بک افندی حضرتلری سربستی مبادله و سرمایه لرک تمرکزینه طرفدار اولدینی کندی نقادان بلیغانلری ایله اثبات

بیورورلر. یعنی سوسیالیزم مسلک و افکارینی رد و جرح ایتمک و اونک مذموم و مردود اولدینی اثبات ایتمک ایستر ایکن او افکاری ترویج ایدر کی تضاد بر موقع احراز ایدیورلر. جاوید بکلر عقائد اشترک ایدن نفرت ایتدیکنی بیلنلرجه بو سوزلرک بک غریب برحالت روحیه نتیجه سی اولدینی بالطبع تصدیق ایدلمشدر. جاوید بک بر طرفدن سوسیالیزم مسلک کی رد ایدوب دیگر طرفدن سربستی مبادله طرفداری اولدینی بیان ایدر. بر طرفدن آجیالشمقله جوق پاره قازانق اصولنی ترویج ایدوب دیگر طرفدن ایسه مترقی ویر کونک علمینده بلیغ سوزلر سویلیورلر. بوندن سهولته اگلا شیلرکه مالیه ناظرمنر انکلیر لیرالیتلرک افکارینی تعقیب ایدر ایسه ده معظم سرمایه لر حاصل ایتمک خصوصنده کی افکاری قطعاً غیر قابل فهم و مشوشیده قالیور.

آغر شرائط ایله استقرارت عیدیه عقد ایتمکدن ایسه شوروی دنیلن مشنوم قوتک دوام مظالمی اوکنه برسد وهائل چکمک ده انب دهاموافق عدالت اولمز می؟ عجبا مالیه ناظری جاوید بک ارباب زراعتک حیات و نماتی مثابه سندن اولان بومسئله بی بر لحظه نظر دفته السه پیش نظر حیتلرنده مدھش، مظالم واعتسافات، قان، سفالت، فحجرت، حقسزلق بتون ماهیت مشنومه لرله تجسم ایتمه جکلر می؟ عجبا یوز بیکلرجه سفیلرک، فلا کتدیده لرک، سنه لرندن

برو محرومیت و ادیلرنده فریاد و فغانلرایله چیر-
 پینان فقرانک ، قاصلمش ، قاوورلمش بدبختلرک
 آه و اینلرینی صماخ حقیقتلرنده طنین انداز
 تأسف و تأثر اولیه جقمی ؟ اوت ناظر بک
 حیتلی ، مرحمتلی ناطقه برداز بر ذاتدر .
 بونلری بر لحظه نظر دفته الوب عریض و عمیق
 دوشونه جک اولورسه البته و البته نظر حماسی
 اوساحه بد بختیده معطوف قاله جقدر . بزبوکا
 صورت قطعیده امیز ، فقط بزه دیوزلرکه :
 مالیه ناظرلی جاوید بک افندی حضرتلری سوسیا
 لیزم افکار و مسلکندن نفرت و توحش ایتدیکی
 ایچون هر شیده شمذیک تطفه اعتداله ال
 اورمق آرزوسنده در . . .

اگر مملکتتمز ، ارباب زراعتتمز ، عمله من
 نهایت چالشقان عوام ناس محرومیت ابدیه
 دوچار قالمق مقدراتیله محکوم ایسه ده او زمان
 بو کبی نظریه عندالمعتدلین احتمال تجویز اولنور
 ماهیق حائزر . فقط بز سوسیالیستلر صحنه
 مجادله ده او اعتدالری خنده استخفافله تلقی
 ایدوب « بز حقیقی تخری ایدر . اوتاد اربعه
 مشروطیت اولان مساوات عمومی ، حریت
 کامله ، عدالت مطلقه ، اخوت ابدیه نظریه سنی
 تعقیب ایدوب بونک حیز آرای حصولی ایچون
 اولیجه قوت و مکتتمزی صرف ایده جکمز ،
 دیورز . بونظریه نیک ماهیت حقیقیه اساسیه سنی
 تعقید ایتمک ایچون بزده جدی اذعانلر اکسیک
 دکدر .

بر اشتیاق حقشناسلقدن نشان ویرن اهالی
 فرقه سی رئیس محترمی اسماعیل حق بک دیورکه
 « دولت و ملتک باشنه سنه لر دنبری بار فلاکت
 کسلیلمش اولان رزیدن مالیه ناظرلی جاوید
 بک افندی حضرتلری مع تأسف هیچ بحث
 ایته یور . حکومتک رزینک تمذید امتیازی
 مسئله سننده بر امر واقع قارشوسنده قالمسی
 محتملدر ، حالبوکه مجلس مبعوثانک اکثریت
 افکاری عثمانیلینی کیرن بو مؤسسه نیک عدم
 تمذیدی طرفداریدر . « بوجدی پارلاق حقندن
 دم اوران سوزلری هانکی وطنپرور عثمانلی
 القشلامز . هانکیسی « یاشاسون سز بست
 سوز ! » « قهر اولسون رژی » دیه فریادی
 عیوقه چیقارمز ؟

بو رژی بزه نهلر یایمهمش و دوام تجدید
 مقاله سی حالنده نهلر یایمهم جقدر . . . او
 قانمزی امش ، وجودمزی کیرمش ، تروتمزی
 غصب ایدوب بز معنأ و ماده درکه مده شه
 سفالته القا ایتمشدر . اوت ! بز دوستلمزی
 پرده ارقه لرنده براقه رق دائما و دائما دشمنلمزی
 بسلر ، اولرک حقوقی مدافعه ایدرز . هیئت
 مجتمعه عثمانیه نیک حقوق صریحه ساعتیه سنی
 غصب ایدن بو مؤسسه مشؤمه حقنده حکو-
 متمز نه دوشنور ؟ . دورلرجه ، سنه لرجه
 نعمتدن ، ثروتدن رفاه و سعادتین محروم قالمش
 اولان ارباب زراعتتمز اوزاقدن استانبولک
 اقلریته انتظار کارانه نظرلر عطف ایدرک ،

« آه ، عجبا رژی مقاله نامه سنک تمذید اولنیه .
 جفته دائر ویریلن قرارک خبر مسرت آورینی
 نه وقت اله جغز ، دیه زمین نیازه دیز چوکش
 درلر . زواللی سفیل کویلی ، بد بخت زراع ،
 بوراده حقوقی مدافعه ایتمک جهاتی التزام
 ایتمکدن ایسه بالعکس قانکی امن ، حقوقی
 غصب ایدن ، بادی فلاکتک اولان محترملرک
 زینکلرک ، سرمایه دارانک حقوقی مدافعه
 ایتمک تهالک کوستریورلر . سزک آمال ساعتیه کزه
 قارشو سد چکوب و اشتیاق عرفاندن نشان
 ویرن ارباب فنون و حقائقک آمال تعالی ،
 ترقی و ترفه لری خنده استهزا ایله تلقی ایدریورلر
 لکن امین اولکمز حقوقکیزی مدافعه یه ساعی
 اولان ارباب اشتراک هیچ بروقت ساخته دغدغه لره
 حقائق مکتوم براقان پارلاق و بلیغ سوزلره
 اهمیت ویره جک قدر بدلا دکدرلر .

عجبا رزینک تحمل فرسا حقسنلنی نه وقته
 قدر دوام ایده جکدر ؟ هر کون سوق دما ، هر کون
 اختصابت بی نهایته ، ایشته رزینک مقصد تشکیلی !
 رژی ، اوزمزی امش ، زراعتتمزی محو ایتمش ،
 خانمانلر سوندیرمش ، قرداش قارداشه قارشو
 سلاح آتیور ، شمذیه قدر بو یوزدن اللی
 آلتمش بیک عثمانلی محو و تلف اولمش ، یوز
 بیکلرجه حاله لرک رماد فلاکت اوزرینه او طورمش
 اولدقلرینی نظرامعانه آلان هیچ بر قلب رقیق
 و مرحمت یوق . نه سوران وار ، نه ده تحقیق
 ایدن . مزین و محتشم بنالرده ذوق و صفا ایچنده

اسرار اوقات ایدن اغنیا ایچدیکی نفیس توتوننک
 دومانلی ساووردنی زمان عجبا اودومانک قان
 وفلا کتدن مرکب اولدیغنی دوشونورمی ؟

آه ، حیات اجتماعیه مزده نه قدر آجی حقیقتلر
 محتویدر ، بز هم ماضینک همده حالک او آجی
 آجی تجربه لرندن متنبه اولمق ایسته میورز . دائما
 سفسطه ، دائما دغدغه آلود اجراآت ، دائما
 تعقیب احتراصات ، دائما و دائما منافع شخصیه !
 ایشته حیات اجتماعیه یی تلویث ایدن آثار
 مذمومه !

بر حقیقت محض درکه حقسنلرک ، ظلمک
 کزدیکی یرلرده فلاکت وضجرت ، آجلق ،
 قحط و غلا یوز کوسترر .

اشبو صفحات ماتم ایچنده زواللی بدبختلره
 تسلی بخش بر نور حقیقت پارلامیور . مبعوثلر مندن
 بونی کیتسون توتون زراعتیه مشغول سفیل
 رنجیره « رژی نه یاییور » دیه سورسون . آه ،
 او زمان اونک کوزلری دموع کدرلر یاشاره-
 جق ، « قانمزی ترمزی اموب اونلردن بر خور
 یاپار و اونی یوته رق اعصابی تقویه ایدر او بر
 شرکت تجاریه اولیوب بر شرکت جنایه در .
 اوت ! مرحمتسزلردن ، حقناشناسلرلردن
 متشکل بر هیئت اخکاربه و ظالمه در .

اونک مقاله نامه سی عثمانیلرک قانیله یازلمش ،
 ارباب زراعتک لوحه فلاکتی جبهه سننده نقش
 ایدلمشدر ، دیه جواب ویره جکدر . زواللی
 کویلنک شو سردیات و بیانات محقه سنندن

رژمی شرکتی حدتلمسون . زیرا حقیقتی کتم ایتمک اجرا ایدیلن مظالم واعتسافاتک تاریخ صحیفه لرنده بر صحیفه خونین دهها علاوه ایتمک دیمکدر . حال بو مرکزده ایکن بز کویلی وطنداشلمیزک مؤلم حاللرینه مرحمت ایدوب جریحه لرینه مرهم تدارک ایتمکه غیرت ایتمزایسهک مشروطی بر مملکتده یاشادیغمزی نه ایله اثبات ایده بیله جکزر؟ باقکزر ادوار استبدادیه ده فرانسه کویفرنده زواللی کویلینک حالی مورخلردن بری نه صورته وصف ایدیور . « کویلیوریرکو بلیه سیله حکومتک خشمه اوغرایورلرایدی . انگاریه ایله ؛ حقوق سائره غاصبانه ایله ده بیوک ملک صاحب لرینک ، زنگینلرک ، غدار سرمایه دارانک جزیه کداری اولبورلرایدی . اکثر ولایاتده طوبراقدن یاپلش ، آلیق ، سقف وزمینی دوشمنه مش کلبه لرده اقامت ایدیورلرایدی اکثریانه قوندره نه ده یوک انواب کییه میورلردی . چاودار یولاف اکمکیله ، جنوبده ایسه کستانه ایله یاشایورلر ایدی . حتی قحط سهرلی هیچ بیهجک بیله بوله میورلرایدی . ۱۷۳۹ سنه سنده ایدی ، قرال (شارتر) رئیس ره باندن کویلیلرک حالی صورددی . شو جوانی آلدی : « بیچاره لر قویون کبی اوت بیورلر ، سینک کبی ده تلف اولیورلر ... » .

برکره آناتولمزی زیارت ایده لم . عجبا فرانسز مورخینک شو توصیفدن فرقی بر حال

مشاهده ایده بیله جکمز ! . احتمال دهها فضله سفالتلره ، دهها اندیشه لی حالره ، دهها سیاه آلود مناظره تصادف ایدرز . کچنده غزته لره طوقا تندن وارد اولان بر مکتوبده کویلیلرک اوت ایله دفع جوع ایتمکده ؛ ولدق لرینی بیان قلمشددی . بوکبی احوال اسف اشتالک اوکنی آتی ، اوجاع عمومیه مملکتی تخفیف ایتمک ایچون عجبا حکومتیمز نه دوشونور؟ حکومت شمیدین تدابیر احتیاطکارانه به توسل ایتمزه مدت مقاله نیک ختامنده تجدید مقاله به مجبور اوله جقدر . شمیدی رژمی ایکی سنه ک توتوتنی ذاتاً ادخار ایتمش اولوب ایکی سنه ظرفنده ارباب زراعتدن توتون آلیه جینی کبی صاتمغه دخی مساعده ایتمه جگندن رنجبر محو اوله جقدر . بو حالده حکومت یکی بر فلاکتک اوکنی المق ایچون ایسترایسته مز شمیدین تجدید مقاله وعدلری ویرمکه مجبور اوله جق . ایشته بو مجبوریتنه معروض قاله مق ایچون شمیدین حکمت اداره قواعدینی تعقیب ایتملی .

مالیه ناظری جاوید بک بتون بیانات ومطالعائنده عمله نیک ، فقراتک حقوقی بسبتون مسکوت غنه بر اقق ایستور ، بیوک سرمایه دارانه دهها زیاده معاونت ایتملی . اونلره هر کونا سهولتی کوسترملی ایتمش ، بک اعلا : فقط کوچک سرمایه دارانک حقوقی دکزه می آتملی؟ مجلس مبعوثانده اکثرینی تشکیل ایدن فرقه

مالیه ناظری جاوید بکک نظریه سنی تعقیب وقبول ایدرک دائماً و دائماً استقراض ! فقط امین اوله ونلرکه استقراضات عدیده نیک آرقه سنده فلاکت صحنه لری واردر . بز اوتوز قرق سنه لر دنیرو اونک آجی آجی تجربه لرینی کوردک مملکتیمزی بودرجه دوچار اضمحلال ایدن اسبابدن بریده استقراض بلیه سی اولدیفنی اونویمیم . ذاتاً یکی استقراض عقد ایستدیکمز تقدیرده قارشولقی اوله رق نه کوستره جکزر ، نه مز قالمش که کوستریم؟ زهراب افندی :

« بر اجنبی دولتک بر ابراسی دیگر مملکتده کیدر سه سونکولی عسکر کبی اجرای تأثیر ایدر » دیور نه محور ، نه طاطلی ، نه کوزل سوز ! .

زهراب افندی بوسوزی ایله بتون پارلاق پارلاق عباراته بلیغ سوزلره ، ساخته دغدغه لره مقابله ایدوب احراز مظفریت ایتمش اولدی محضر عدالتده موضوع بحت اولان شی حقدر . مجلس مبعوثان ایسه بر محضر و دیوان عدالت اولوب اوراده سویلنان بتون جدی ، حقیقی سوزلر البته خلقک روخنه ، قلبه ، حسسیاتنه تأثیر ایدر . اجنبی سرمایه سی ، اجنبی پاره سی مملکتیمزه نه قدرده سهولتله ، شرائط مطلوبه دائره سنده کیرر سه ینه برابرلا اولق ماهیتندن فارغ اوله مز . او بر کردباد مدهش اولوب تشکیلات اجتماعیه منی اساسندن زیر وزیر ایدر . بودجه ده توازن حاصل ایستدیرمک ایچون

استقراضلره مراجعت ایتمک لزومی حس اولنیور حس اولنور اما بو لزومک ملزومنک فلاکت اولدیفنی نظر دفته آلان یوق . ملت وکیللری اکثریتی تشکیل ایدن عوامک حقوقی مدافعه ایتمکدن ایسه بالعکس اقلیتک حقوقی طرفه کیدیورلر ،

شمیدی صورده لم : انکلتزه حکومتی نه دن مصره وضع ید ایتدی ؟ . بوکا سبب اوله رق استقراض بلیه سندن بشقه برشی کوستریله بیلمیری؟ مالیه ناظر مز جاوید بک افندی حضرتلری لهستان تاریخی بک اعلا تتبع ایتمش اولمیدر . او قوس قوجه حکومت نه سببه مبنی محو ومنقرض اولوب تقسیم غرمایه اوغرادی؟ قرال استانبلاسک باشندن تاجنی دوشورن استقراض بلیه سی دکلی ایدی ؟ . بز ایسه حالا تاریخی ثمره لر دن استفاده ایتمیوب فلاکتیمزه وسعت ویره جک وسائطه مراجعت ایدیورز . هنوز متنبیه اولدق . مشاهراقتصادی بوندن اولان مالیه ناظر مز عجبا بو خصوصات حقنده نه دوشونور روس محاربه سنک نتیجه سی دهها کوزمنک اوکنده هیئتادر . الان آناتولیده کی برایکی ولایتیزک اغنام واعشار رسومی اومشوم بورجه مر بوطدر . ذاتاً بو ایکی رسومدن ماعدا المزده نه قالمش ؟ رسوم سائر هپ انحصار آلتنده در . شاهد مز اولان دیون عمومیه ، رژیم ایشته کوزمنک اوکنده در . یکی استقراضلر ایدرک سائر ولایتیزک اعشار و اغنام رسومی ده اونلره قارشو-

لق کوستردیکمز تقدیرده آرتق قوس قوجه اردومزی، میلونلرجه مأمورینی نه ایله بسلیه جکزر . بو کی اجرا آمده حکمت حکومته نشان ویرن برشی وایی ؟ . کچده عقد ایتمش اولدیغمز یدی میلیونق استقراضدن المزه نه کچدیکی معلومدر ، حسابی غزتهلرده یازلدی . مالیه ناظری جاوی . بکدن صورارز که صوک استقراض طوغریدن طوغری به مالیه نظارتنک تحت کفالتنده بولنوب دیون عمومیه جه جهت تعلق یوقدر . بو دفعه دخی ایدیله جک استقراضک شبهه سزینه مالیه نظارتنک تحت کفالتنده اوله رق عقدا ایدیله جکدر . مالیه ناظری جاوید بک مقام نظارتده بولندقه استقراض فائضنک وقت معیننده تأدیسه ایچون صرف مساعی ایده جکنی فرض ایدلم . فقط عجبا خلفی اوله جق ذاتک تأدیسه قضیه سنک صورت انتظامنه رعایت ایده جکنه دائر بزى کیم تأمین ایده جکدر .

۱۸۹۵ ده لوران دو ونوستینک ایکی بچق اوچ میليون لیرالق مطلوباتنک استحصالی مدلی کمرنلرک باشنه نه لر کتیرمش اولدینی معلومدر . حکمت حکومت قضیه معتنا بهاسی بچق تعقیب ایدیله بیسلمک ایچون اول امرده ثروت مملکتی خارجدن آرامقدن ایسه داخلدن اراملی استقراض فدیة نجاتدن بشقه بر شی دکلدر . مالیه ناظری جاوید بک آز چالش مق چوق پاره قازانق اصول اشتراکینی قبول ایتدیکی

خالده نیچون رسوم مترقینی قبول ایتمه یور : زنکینلر سنده بر قاچ یوز غروش فضله املاک ویرکوسی ویرمکه متضرر اولمزلر . بوجهندن اولرک حقوقی مدافعه ایتک حقوق عوامی پایمال ایتک دیمکدر . سعه کالاته طوغری یوریمک ایچون هرشیده بصریت ، جدیت ، دور اندیشلک لازم ، یوقسه کلشی کوزل حرکت ایتمکدن درلو درلو فلاکت طوغار . شمعی کلشی کوزل سیاسته هر طرفدن نفرت نظرلری عطف اولنیور . مبعوثانمز بزى مرتبه عمرانیه واصل ایتدیمرک ایچون اول امرده حالت روحیه مزى ، امرجه حیائمزى استعدادات وقابلیت فطریه مزى نظر دقته الهرق اوکا کوره حرکت ایتهلدی درلر .

مالیه ناظری زهراب افندیکنک بیانات جدیده سنه قارشو جواب اوله رق دیور که : « مملکت مزک سرمایه سی تقدیر آرتارسه ، یعنی اجنبی سرمایه سی بورایه کلیرایسه اوزمان بزده که اوفق سرمایه لرک مقداری آرتار . »

بوجوابده نه حکمت وارددر ؟ . مالیه ناظری دوشونمیور که بیوک قوتلر دائماً کوچک قوتلری یوتار ؟ . اوروپالی مملکت مزه سرمایه ادخال ایدرسه هیچ بر وقت مقصدی منفعمزده خادم اولمغه معطوف اولدینی کی ضمه دخی هیچ بر منفعت واستفاده ملحوظ دکلدر . ایسته شهر مزده بولنان شرکتلرک . بیوک مغازه لرک اجرا آتی مساوی کونا کونخی دائماً کورورز .

اوروپالی مملکت مزه سرمایه ادخال ایدرک کچوک سرمایه لری یوته جق و سرمایه دارنی محو ایدله جکدر . ذاتاً عمله ، زراع بر ملت اولدیغمز دن هم او اجنیتنک اسیری اوله جغز و همده المزه موجود کوچک سرمایه لردن ده هیچ بر صورتله استفاده ایده میه جکزر .

اشتراک کلتجه :

مالیه ناظری جاوید بک « سوسیالیزمک ترقیسی بشریتک محوی دیمکدر » دیور .

مالیه ناظرک سوسیالیزمه قارشو بودرجه معارض اولسی حکمه اولسه کرک . یعنی مومی الیه حضرتلری مسلک مذکورک ماهیتی ضمناً تقدیر ایتمش اولسیله برابر مقصدنک تمتع الحصول اوله جتی ظنیله ظاهراً معارض کی کورونیور . مجلس مبعوثانده بیان ایتمش اولدینی مطالباتی صورت عمومیه اعتباریله سوسیالیزمه تماس ایدر ایدی ، هر نه قدر اوللری جرح وتکذیب کی بر مسلک تعقیب ایدر ایسه ده نتیجه اعتباریله ترویجیدن بشقه بر شی دکلدر . فرض ایدلم که جاوید بک سوسیالیزمه کلیاً معارض در . عجیباً بو مسلک جدیدک بشریتی محو ایتک خاصه سی حائر اولدینی مقام استیضاحده نه صورته اثبات بیاره بیله جکدر در ؟ . سوسیالیزمک تدبیری مقاصد منتسینک قوه دن فعله عدم ایصالی حالنده بشریت فلاکت سابقه سنده دوام ایدله جکدر . زیرا اونک موضوعی حق و غایه سی او حقک مدافعه سیدر .

معارض احتمال فلاکت وسفالت بشریه نک دوامی آرزو ایدرلر ، فقط بر طرفدن حق مدافعه ایتک و دیگر طرفدن اسباب مدافعه یی رد ایتک عقل حکمته صیغار بر حرکت تشکیل ایده بیلیرمی ؟ . سوسیالیزم حق طلب ایدر و او حقه مظهریت ایچون منتسیلری وار قوتلری ایله چالش یورلر ، حقائق اشیاده جدیت طبیعه آرایانلر بونی بالسهوله ادراک ایده بیلیرلر هر کسده ترقی و تعالی به بر میل واشتیاق وارددر . فقط بونلر مقاصدنک حصولنه هیچ بر وقت خادم اوله منزل ، اوارزولرک حیز آرای حصو له واسطه اوله جق شیره وار قوتیله صارلق ایچون دهابشقه بر میل عمومی مشکوری لازمدر . سوسیالیزمک مقصد اصلسی حقسنر لغه قارشو مجادله در .

مالیه ناظری زهراب افندیکی خطابه دیور که : « سز زنکینلری صویوب فقرايه ویره جکسکزر . »

مومی الیه حضرتلری بر مثال کوستره - بیلیرمی ؟ . هانکی مملکتیده سوسیالیستلر زنکینی صویوب فقرايه ویرمشارددر ؟ . سوسیالیستلر اغتصاب مسلکینی تعقیب ایتمزلر . اولرک اصلی مقصدی حق یولنده مساوات عمومیه یی طلبدن عبارتدر . مساوات عمومیه دیمک معارض مزى ادعا ایتکنده اولدقلری کی برندن غضب ایدوب دیگرینه ویرمک دیمک دکلدر .

حالبوکه اومشوم و منفور نظریه شمعی تطبیق

ایدلکده اولوب سوسیالیزمک اصل مقصدی اونک رفع وازالهسنه معطوفدر . زنکینک حقوقی مدافعه ایتمکله انسان جتنه کیتمز ، فقط دائماً حقسنزلغه دوچار اولان فقرانک حقوقی محافظه ایتمک عدالت مطلقه مساوات عمومیه قواعدنی تطبیقدن بشقه برشی دکلدر . خلاصه کلام اک ذلیل و خسیس امال شخصیه به نهایت ویره رک منافع عمومیه به خدمت ایتمک سوسیالیزمک روحنی تشکیل ایدر .

ایشته بونک ایچون تملک وتصرف عمومی قاعدهسنی تطبیق ایتمکدن بشقه برچاره یوق . زنکین اوپارهنی جمعیتدن قازانمش کندیسئی ایسه جمعیتک بر فرد واحدی اولدیغندن عمومک حق اولان برشیدن شخص و احدک منفرداً استفاده ایتمسی البته عقلاً حکمة تجویز ایدلر ، شجاعت مدنیه اکتساب ایچون اغراض و منافع خسیسه شخصیه دن مجرد ایدرک برکتله اجتماعیه حالنده بولنان بشریتک منافع عمومیهسنی تأمینه خادم اولهسنی طبیعتده بوکادائر پک چوق مثالره تصادف ایدرز . بشریت حقسنزلق ، مساواتسنزلق مساوی شائبه لرندن منزله اولق ایچون هر حالده سوسیالیزم مسلکینی تقدیر ایتمه لیدر . شمندی بزبونی خصم بشر اولان ارباب شقاوتک اجرا آت ردشسندن عدایدوب اوندن نفرت ایدر ایسه کده ایلروده بزم اولادلر من درت ال ایله صاریلهرق بزه خنده ریز استخفاف اوله جقلدر .

ایشته اوزمان محرومیت و مغدوریت بشریه

مظفریت سعادت ورفاهه مبدل اوله جق . بونک ایچون سوسیالیزمده فرمانفرما اولان مهابت اتحاد و اتفاقه لعاب افشان حقارت اولانلر بر کون البته اونک مظفریتنی کوروب ایشته حقیقه حق دیه جکلدر .



تاریخی تلویث ایدنلر

تاریخ یازلدی ...

بشریتک ساخته حامیلری وبتون سیاه مظلم قوتلر اتفاق ایدرک تاریخ صحیفه لرینی تلویث و تسوید ایدیورلر .

آه او تاریخ ... او تاریخ ...! او قودیغمز اوسیه آود محائقی قره لاتان مرانیلر هر دورک مستبد و ظالم حکمدارلرینه قارشو بخوردانلر سالامشدر بدلا و مرانی حکیملر حقائق اجتماعیه نی تقدیر ایدوب هر شیده جدیتی تعقیب ایتمکدن ایسه کیم بیلیر نه کبی سحر انکیز قوای مجهوله نک تحت تأثیرنده او حقائق بزدن کتم ایتمک جنایتینی . ارتکابه مجبور قالمشدر . اولرده وجدان ، مرحمت ، عقل و ادراک ... هیچ هیچ برشی یوقمش . یکدیگرینی توالی ایدن اعصار عدیده ظرفنده بشریتک او جاع و ا کدارینی طمارلردن دو کولن قانلری ، اذا واشکنجه لری

ای حقائق اجتماعیه نی تقدیر ایده میسان سفیلر ! استراحتکنرک ضیاعنه تأسف ایدیکر ، اولولرکنزی کومکنز ، بز سزی راحت بر اقبیر ازوا گاه تأسفکنزده کوز یاشلری دو کولمکدن ایسه چکیلکنز ، سز حخته مجادله ده فجایعه قارشو تحریک یازو ایتمک حقنه مالک دکلسکنز بزم بشقه ایشمز وار ، بزنی راحت بر اقبکنز خرابه زارلری تعمیر ایتمک ، دموع کدرله یاشارمش کوزلری سیلمک ، محضر عدالتده حق و مساوات دعوالری اقامه ایتمک و سائر میلیونلرجه حقسنزلقلری دفع و رفع ایتمک اشد احتیاجز واردر .

ایشته بز صبرسنزلقله شمس حریت عالمک طلوع سهادت بخشاسنه انتظار ایدوب منبر عدالتی ، محراب مقدس حریتی جلوه گاه اجرا آت اتخاذ ایده جکنز


خلوصی



مادی و معنوی هیجان و تأثراتی ، جمله سنی ، گوشه نسیانه ترک ایتمشدر . تاریخ یازیلیر . یازیلیر اما یازان کیم ؟ او تاریخ ، شاهد حق و حقیقت اولق اوزره ایجاد ایدلمش او ماهیت ، نانکور انسانلرک ، ظلمه نک ایدی قهرینه بازیجه اولان مرانی مورخنلرک ذلیل و حقیر قلملریله یازلمشدر .

بر اسکندر ، بر ناپولئون ، بر آنتیپال بر کیخسرو بتون تاریخ صحیفه لرینی اشغال ایتمشدر . بشریته خدمت لری ...؟ و هیچ و هیچ . بونلر قان دریالری طولدیرمشدر ، برکتله معظمه بشریتی محو ایتمشدر . اغزلری قیامشدر . اسارت ابدیه فرمانلری اصدار ایتمشدر ...

شمیدیده حقائق اجتماعیه نی تقدیر ایدوب سخن فسیح عالمی اشغال ایدن بشریتی او اسارت ابدیه دن قورتارمق ایچون فداکارلغه حاضر و آماده اولانلره قارشو مجادله دن خالی قالمیورلر . بونجه فجایع قلبلری داغدار حزن و کدر ایدن مظالم و اعتسافات بی نهایتیه هدف و دوچار اولان بشریتی قورتارمق ایچون انسانلر نه دوشونورلر ایشته سوسیالیزم تاریخنک حقائق مکتومه نک ماهیت مبعله اساسیه سنی میدان جدیته ایصال ایلمک ایچون حخته حق و عدالتده دهاتکشای مجادله و مبارزه اوله جقدر « یا حق یا اولوب » ، « یا قان یا حریت » ایشته سوسیالیزمک صوک سوزی ...



سوسیالیستلرک برمایس بیرای

یارین افرنجی مایسک بریدر . فنی سو - سیالیزمک ، سوسیالدموقرات مبدألرک اصوات احرا نه سی طنین انداز اولدینی هر مملکتده اولاد سعی وغیرتک قولالقرنده « ای بتون ممالکک افراد مساعیسی بوکون اتفاق واتحاد ایدیکزه ؛ صدالری اهتزاز ایدر . هر طرفده ، بتون تشکیلات صناعیه اربابی ، بتون سوسیال دموقرات فرقه لری فرد واحدکی میدان آتساهه قدم نهاده اولوب میلو نلردن متشکل اردولری اوزرنده قرمزلی بایراقلرک لایعد ولایحی قوللری تموجهای ظهور اولور . او بایراقلرده « یاشاسون برمایس ، بین الملل سوسیالدمو - قرات » جمله سی نقش ایدلشدر . بو مسرتلی وشطارتلی نمایشدن مقصدلری نه در ؟

بو سوآله مختصرجه جواب ویرلم .

۱۸۸۹ تاریخده حریت کامله وافکار جدیده مبعجله نیک مرکز یکانه سی اولان پارس شهرنده عین کونده وعین ساعتده ایکی مجلس اجتماع ایتشدی . بونلردن بری مزین ومحتشم برسرایک آتئونلره زینتلره بورونمش سالوننده سعی وعملکک بختیار عامللری ، افراد جمعیت طرفندن منتخب معتبران تجمع ایدرکک اعلا ونفیس مشروبآله اکنیرلر ، اظهار ذوق ونشئه

ایدرلرایدی . پارمقلرنده پارلایان مجوه پوزکلری تماشاکر انک کوزلرینی قاشدیرر ، بونلر بشریتک حماقتنه قارشو استخفاف خنده لری پارلانهرق بلند اوازله لاینقطع برصورتده « دنیا بردنباله انسانلر کارد ، شرفیسی بر نشئه تغنی ایدرلر ایدی .

دیگر بر محله ، نظرلردن نهان قالمش بر سوغاغک گوشه ننده کائن بر قهوه خانه نیک عربان ماصه سی اطرافنده بر قاج کشی طویلانوب کمال سکون واعتدال ایله خفی بر مسئله یی تذکر ایدورلردی . بونلرک جمله سیده نعمات اجتماعیه دن محروم قالمش سفیلر ، جمله سیده حقسنزلعک حقیر قربانلری ، سرمایه دارانک ، اوتده مزین سالونده ذوق وصفاعالمنده پویان قالان سعادتلو حق ناشناسلرک بازیمجه ظلم واعتسافی درلر ، بونلر محتشم سرایلرده ، مزین قصرلرده اقامت ایدن انسانلرک اقبال وسعادتلی بازولرک قوتی سعی وغیرتلری سایه ننده تأمین ایدنلردر . بو زوالیلر . مغدور وپریشان سفیل وحقیر آج وعربان یرسز ویوردسز اولوب کویاکه صرف زنکینک ملعبه اذاتی اولوق اوزره یارادلمش درلر . سرایده سعادتلو مردخوارلرک بر ذوق وشطارت صچرادقلری ، رقص ایتدکلری زمان قربان استبداد

اقتصادی اولان صنوف حقیره اجتماعیه نیک بو سفیل وکیللری سومیالدموقراسینک بتون احکامنه رعایت ایتیکه وهرسنه مایسک برنده اشبو اتفاق واتحادک مراسم مبعجله سنی ایفایه یمینله قرار ویردیلر .

ایشته صادق عهد اولان عمله یارین او بو . مفخره نیک خاطره شرفی محافظه یه سعی اولورم یارین استبدادک حکمفرما اولدینی بتون مملکتلر - ده بالجمله اولاد سعی عمل ، آلتن تری ایله تأمین معیشت ایدن بتون محروم اقبال وثروت اذالانلر سعی وعملی ترک ایدوب برمایس رسمی ایفایمچون شن وشاطر جلوه گاه اتفاقه طوغری قوشارلر . بوکون بین الملل سوسیالیست فرقه - سی قوای مشکله معنویه سنی میدان انتباه واتقلابه ده وضع انظار عبرت ایلر .

یارین بتون سوسیالیستلر میدانه چیقوب صوت بلند حریتله مطالبات آتیده بونلورلر .

- ۱ - حریت کامله سیاسیة ،
- ۲ محاربه لرک تطعیاً الفاسی ،
- ۳ - انتخابانده طوغری بدن طوغری یه ورأی خفی ایله حقوق عمومیة متساویه .
- ۴ - حاکمیت ملت .
- ۵ - کونده سکز ساعت چالشمق اصولنک قبولی .
- ۶ - حقوق ومنافع عمله نیک محافظه وتمشیتی کافل قوانین جدیده نیک وضعی .

ایشته مایسک برنده میدان مجاهده طویللا - نان عمله نیک جمله مطالباتی بوندن عبارتدر . یارین شمس دلارای حریتک شعاعات خیات بخشاسنه نائل اولان محیط مشروطیتک

آلتنده بز دخی مایس بر مراسمی ایفایتمک صلاحیتنه مالک بولنیورز . بتون محروم نعمت جمعیت اولانلرک حقوق مقصوبه لرینی استردادده سعی اوله رق « یاشاسون برمایس » زمزمه سنی عیوقه چیقارلم .

شو واسع مملکتک هر طرفنده بولنان عملیه ، حریر وخالی فابریقه لرنده چالشانلره شمندوفر وتراموای عمله سنه دعوت اوقویه لم ، بتون حقسنزلفه قربان اولانلری بر نقطه یه جمع ایدرک اونلره خطاب ایدلم .

« ای سفیلر ! کیجه ، کوندز هر ساعت وهر دقیقه لاینقطع اسپرکی چالشدقلر کزه رغماً بوکون هیچ بر شینه مالک دکلسکز . اتفاق واتحاد ایدیکز ، اتحاد خارق العاده بر قوتدر ، اوسایه ده حقوق کیزی مدافعه ایدیکز ، سز دن وظیفه طلب ایدنلره کندی وظائف متقابله لرینک ایفاسنه مجبور اولدقلرینی بیلدیریکز . بونلری یابه بیله جکز تقدیرده سزده بین الملل عمله جمعیتلری افرادی مثللو ، یکزبان اوله رق صوت بلندله : « یاشاسون مایس بر » ! دیه باغرمغه حق قازامش اوله جقسکز .

فهره رک اعدامی وسیله سیله :

اسارت متسلله


- دو قنور فاضل برقی بک قرده شمه - اونلر ؛ حالا بوتون متمسازیت بیانیه لرینی ، بوتون محترم وموجد قوه ذکائیله لرینی ، بوتون بلیغ وسحرانکیز خاصه نطقیه لرینی آکلایه میان قورو قفالرک ، طامارلرینه یرلشمش اعصاب

تعصبيه سنى غير حقيقه يه صرف ايدر لر. و خا مانسوز
بر يانغين آلوى قيز لغيله كو بورمش انسان
قانلرني كوستره رك: « هايدى، حالا طور ييور.
سكز اويله مي؟ ايسته قان تعنه واردى سيلابه
دم قورويور... سزى بوراده آلچقجه ياشاتان
قانلر يكزى بو بچره يه، بومقدس نفاق و شقاق!!
در ياسته بوشالتكز... و اووح، بو كتله مهيه
دم، لا ينقطع جريانلره طولره ق باطلاسين...
وسز ذليل و حقير، بزم حسابمزه حياتكزى،
قانلر كزى دو كر كن... باقك، بز اسكيسندن
دها مسمود، دها فرح ياشايور زديه بيلمك ايچين
چيرينيرل...

بريكيلى، محروم احاطه تهى (كلله لرنيك)،
قودورمش سيكرلرينك آرزوى سباعانه لرنيك بر
لحظه جق عدم تبسمى يوزندن؛... كنديلر ايچين
بر باشقه حيات، جاودانى بر حيات جناني بر
حيات، بر نور و اميدشن بر حياتك موجود يتندن
خبردار اوله مامشدر. عطالت و بطالت فكريه لرى
اونلره او قدر قوى و معند بر اعتماد صيا-
نتپوروى ايله صاپلانمشدر كه بر آرزى حركت...
بر آرزى ابراز اثر حيات... بر آرزى ده آقسبون
كوسترمك ممكن دكل خويللارى آره سته
ياقلاشه ماز. و اونلرده؛ اصلا اولمايه جق، اول-
مايه جق اولان حمايه پرورلر، بر عائله محبتى
كورمكده اولدقلىنى اعتراف ايدر لر!

نور حقيقت قارار تيلمش وجدانلرني،
صدى معدلت صاغيرلشديرلمش قولالقرني
متأثر ايده مز... منادى مساوات بير تيله رق
حايقير. آرتق اطراف صانكه تحجر ايتشدر...
بي حسدر... قيملدا ناماز... و بر سور و سطح
بين ازلدن برى تعقيب ايده كلدكلى قافله نك

۸ نيسان ۳۲۶ فندقل
بهاء الدين



مصاحبه اشتراكيه:

سوسياليزم نه در؟

آمرىقالى بر بيليار درك بر سوسياليسنت ايله ملاقاتى

(كچن هفته دن مابعد)

اونلرده بتون ثروت و سامانلرني سياناقفرايه
توزيع ايتكه مجبور طو تيله جقلدر. اونلر
چالشمقسز ين الى نهايت العمر كافي السابق حياتك
بتون لذائذنى طاهه جقلر. ذاتاً شمدي زنكين
فابريقه طور نه صورتله امرار حيات ايديور؟
اونك بتون تفكراتى ثروت و سامانى، املاك
واراضدى آرتيرمق مقصدنده تمرکز ايديور.
سوسياليزمده زنكينلر چالشمق كلفتمدن بسبتون
مبرا اوله جقلر. عين زمانده ايسه فقرا كمال سرور
و رخاهله امرار اوقات ايتكه حقل اوله جقدر.
اوزمان بر نوع ضرر و يا مادي برخساره تصادف
ايديله چكى تقديرده هيچ كيمه او خسار و يا ضرر
دن متأثر اولميه جق. زيرا اونلر جمعيتده متساويأ
تقسيم ايديله جقدر.

جو. — ايضا ايديله جك بتون خدماتك
متساويأ شاين محافظات عد ايدلسنه عقل ارديره
ميورم مثلاً، سنين و فيره و عديده ظرفسده
چالشمش، هر درلو فدا كارلنى كوزه آلمش

دنى جبراً غصب ايتمش اولدني بار كيرك صاحب
مشروعى دكدر، زيرا بن اوني ديكر بر ذاتدن
چالهرق كنديسنه صاندم.

جو. — درميان ايتمش اولديغكز ادله
وبراهين بزى اقتناع ايتك ايچون كافي و و ايدير.
مع هذا سنين و فيره ظرفنده چالشمغله قازانمش
اولدني برشى صاحبك الندن آلتق مشروعى
بر حقت ثبوتى انتاج ايتمز. بوكانه ديه جكسكز.

مسو. — بزم اصل مقصدمن زنكينك
و فقرانك حاللرني قواعد مطرده و متساويه
موجينجه اصلاح ايتكه معطوفدر. سوسياليزم
مسلكنده تحت نظارت و اداره مزده بولنان
ماكنه لر ايله كونده بش ساعتدن فضله چالشمق
شاهد حق و حقايقى فدا ايتك ديكددر. اون
سكز ياشندن دون واللى درندن يوقارى اونلر
اصلا چالشميه جقلدر. اگر شنديكندن فضله
ماكنه من اولورسه اوزمان ساعات مساعى دها
زياده تناقص ايده جكدر. زنكينلره كلنجه: